



فجابه قربندهارآن نكري كلتن
PEJABAT PERBENDAHARAAN
NEGERI KELANTAN
Blok 4, Kota Darulnaim,
15503 Kota Bharu, Kelantan.

Pentadbiran Am : 09-7481957
Pegawai Kewangan Negeri : 09-7485343
Timbalan Pegawai Kewangan Negeri : 09-7436429
Bendahari Negeri : 09-7483484
Fax No : 09-7487113
E-mail : treasury@kelantan.gov.my
Web site : www.pkn.kelantan.gov.my

Ruj. Kami: PKN.A.7/1-1/Jld.4 ()
Bertarikh : 19 Jamadil Awal 1444H
14 Disember 2022M

PEKELILING PERBENDAHARAAN NEGERI KELANTAN
BILANGAN 2 TAHUN 2022

Semua Ketua Pengurusan Badan Berkanun Negeri Kelantan

Semua Ketua Syarikat Berkaitan Kerajaan Kelantan Darulnaim

Yang Berhormat Dato'/ Yang Mulia Dato'/ Yang Amat Berbahagia Dato'/ Yang Mulia Tengku/
Tuan/Puan,

**GARIS PANDUAN MENGENAI PEMBERIAN ELAUN TETAP BULANAN BAGI PENERUSI
BUKAN EKSEKUTIF, TIMBALAN PENERUSI DAN AHLI-AHLI LEMBAGA PENGARAH
BADAN-BADAN BERKANUN NEGERI DAN SYARIKAT BERKAITAN KERAJAAN**

Dengan segala hormatnya merujuk kepada perkara di atas.

2. Sukacita dimaklumkan Kerajaan Negeri telah bersetuju menerima pakai Pekeliling Perbendaharaan Negeri Kelantan Bilangan 2 Tahun 2022 berkuatkuasa 07 September 2022. Pekeliling ini boleh dimuat turun melalui laman web www.pkn.kelantan.gov.my.

3. Kerjasama dan perhatian Yang Berhormat Dato'/ Yang Mulia Dato'/ Yang Amat Berbahagia Dato'/ Yang Mulia Tengku/ Tuan/ Puan dalam perkara ini amatlah dihargai dan didahulukan dengan ucapan terima kasih.

Sekian.

"ALLAH DITAATI, RAJA DISANJUNG, RAKYAT DIKASIHI"

Saya yang menjalankan amanah,

DATO' HAJI NORAZMAN BIN ABD. GHANI, D.P.S.K (Kelantan)
PEGAWAI KEWANGAN NEGERI
KELANTAN

- s.k.
1. Yang Amat Berhormat Ustaz Dato' Bentara Kanan Menteri Besar
 2. Yang Berhormat Dato' Kaya Setia Setiausaha Kerajaan Negeri Kelantan



PEKELILING PERBENDAHARAAN NEGERI KELANTAN
BILANGAN 2 TAHUN 2022

Semua Ketua Pengurusan Badan Berkanun Negeri
dan Syarikat Berkaitan Kerajaan

Kelantan Darulnaim

**GARIS PANDUAN MENGENAI PEMBERIAN ELAUN TETAP BULANAN BAGI
PENGURUSI BUKAN EKSEKUTIF, TIMBALAN PENGURUSI DAN AHLI-AHLI LEMBAGA
PENGARAH BADAN-BADAN BERKANUN NEGERI DAN SYARIKAT BERKAITAN
KERAJAAN**

1. TUJUAN

- 1.1 Bagi membantu Badan-badan Berkanun Negeri (BBN) Syarikat Berkaitan Kerajaan (SBK) di dalam menetapkan kadar Elaun Tetap Bulanan (ETB) kepada Pengerusi, Timbalan Pengerusi dan Ahli-Ahli Lembaga Pengarah BBN/SBK; dan
- 1.2 Bagi meningkatkan lagi tadbir urus dan pengurusan kewangan BBN/SBK supaya dapat berbelanja dengan berhemah dan mematuhi peraturan kewangan yang sedang berkuat kuasa.

2. LATAR BELAKANG

- 2.1 Penyediaan garis panduan ini bagi menghargai peranan dan tanggungjawab yang dipikul oleh Pengerusi, Timbalan Pengerusi dan Ahli Lembaga Pengarah BBN/SBK adalah besar dan memerlukan kepakaran, pengalaman dan akauntabiliti yang tinggi dalam memastikan BBN/SBK beroperasi selaras dengan mandat Kerajaan dan juga objektif penubuhannya, maka adalah wajar kadar elaun yang munasabah serta setimpal dengan sumbangan dan peranan yang dimainkan oleh anggota Lembaga termasuk ahli-ahli jawatankuasa di bawahnya dikaji semula.
- 2.2 Pembayaran elaun Lembaga Pengarah BBN/SBK dibuat sekali didalam setahun dalam bentuk honorarium berdasarkan kepada prestasi BBN/SBK dan Elaun Menghadiri Mesyuarat Lembaga Pengarah dibayar bagi setiap mesyuarat yang dihadiri oleh Ahli Lembaga.

3. ELAUN PENERUS, TIBALAN PENERUS DAN AHLI LEMBAGA PENGARAH BBN/SBK

3.1 Kadar elaun yang disarankan kepada Penerus Bukan Eksekutif, Timbalan Penerus dan Ahli Lembaga Pengarah BBN/SBK dan Jawatankuasa di bawahnya adalah sebagaimana berikut:

3.1.1 Penerus : Bayaran Elaun Tetap Bulanan (ETB) sebanyak 20% daripada gaji maksimum Ketua Jabatan BBN/SBK

3.1.2 Timbalan Penerus : Bayaran Elaun Tetap Bulanan (ETB) sebanyak 17% daripada gaji maksimum Ketua Jabatan BBN/SBK

3.1.3 Ahli-ahli : Bayaran Elaun Tetap Bulanan (ETB) sebanyak 15% daripada gaji maksimum Ketua Jabatan BBN/SBK

3.1.4 Perubahan kadar bayaran ETB hendaklah tidak melebihi 5% sama ada kenaikan atau pengurangan tertakluk kepada kelulusan Yang Amat Berhormat Menteri Besar.

3.1.5 Elaun tetap bulanan ini tidak termasuk Ketua Pegawai Eksekutif/Pengurus Besar yang telah menerima gaji tetap di BBN/SBK.

4. LAIN-LAIN BAYARAN

4.1 Bayaran honorarium dan apa-apa imbuhan khas masih boleh diberikan berdasarkan prestasi kewangan dan aliran tunai BKK/SBK serta bergantung kepada keputusan Lembaga Pengarah BKK/SBK.

5. KUASA MELULUSKAN KADAR BAYARAN

- 5.1 Pelaksanaan pemberian elaun dan kemudahan di bawah garis panduan ini hendaklah terlebih dahulu diluluskan oleh Lembaga Pengarah BBN/SBK dan Yang Amat Berhormat Menteri Besar berkenaan tertakluk kepada peruntukan berkaitan di bawah Akta penubuhan BBN / SBK itu.
- 5.2 Pemberian atau kenaikan elaun dan kemudahan kepada Ahli Lembaga Pengarah adalah berdasarkan kepada kemampuan kewangan BBN/SBK dan tiada peruntukan tambahan diberikan bagi tujuan ini. Kadar elaun yang dicadangkan adalah kadar minimum/maksimum dan BBN /SBK boleh membayar kadar yang lebih rendah daripada yang dinyatakan tertakluk kepada kelulusan Lembaga Pengarah dan Yang Amat Berhormat Menteri Besar.
- 5.3 Kadar elaun dan kemudahan bagi pegawai sektor swasta yang menganggotai Lembaga/ Majlis/ Jawatankuasa adalah sama seperti mana yang diberikan kepada Ahli Lembaga Pengarah yang lain.

6. TARIKH KUATKUASA

- 6.1 Pekeliling Perbendaharaan ini **berkuatkuasa mulai 07 September 2022.**